

息烽縣志卷三十一

諸夷志

苗族

通志貴陽府志所載諸苗今時所無者凡二十餘種曰白  
苗山苗曰狎橫曰谷蘭苗曰補猥曰紫薑苗骨裡苗曰木  
狝曰鴨子苗曰狗耳龍家曰八蠻曰剪頭狝狝曰蠻人曰  
狝人曰前代諸苗曰夜郎曰西趙曰狎柯曰兗州曰獠曰  
羅甸曰自祀各種查居高山巖谷深林榛莽或近溪者性  
各別居高山巖谷深林榛莽者善獵居近溪者善捕白苗  
衣尚白苗衣尚短僅及膝男子科頭赤足婦人盤髻長簪  
每歲孟春男女會于野謂之跳月擇平地為跳場鮮衣艷

息烽縣志

卷之三十一 諸夷志 苗族

一

裝男吹蘆笙女振響鈴旋躍終日暮挈所私而歸比曉乃  
散聘資視女之妍媸為盈縮祀祖擇大牯牛頭角端正者  
飼之及茁壯即令各寨有牛者鬪於野勝即為吉鬪後卜  
日殺牛以祭主祭者服白衣青套細褶寬腰裙祭後合親  
族高歌暢飲其性慧而愚轉徙不常為人僱役墾田往往  
負租逃去山苗擇懸巖鑿洞而居不設牀第構竹梯上下  
高者或至百仞耕不挽犁以錢鐔發土耨而不耘男女躡  
笙而偶生子免乳則歸其聘財親死不哭笑舞浩歌謂之  
鬧屍明年聞杜鵑聲則舉家號泣曰鳥猶歲至親不復矣  
狎橫有楊龍張石歐五姓荆壁不塗門戶不扃出入以泥  
封之其服食婚喪與漢人同男子計口而耕婦人度身而



織暇則挾戈操筍以漁獵為事婚禮以牛馬為聘喪則宰牛馬以祭戚族皆以犬相通谷蘭苗男女皆短衣婦人以青布蒙髻工紡織其布最精密每遇場出市人爭購之謂之谷蘭布男子性剽悍善刺擊出入必挾鎗弩諸苗皆畏之補獠苗女子以白布為衣青布為裙男子服漢服剃髮通漢語以十二月為歲首男女懽宴吹蘆笙以為樂女子勤于紡織男子善治生漢人與之交易不能恣盤剝紫薑苗以十一月朔為節閉戶把忌七日而啟犯者以為不祥夫死妻嫁而後葬曰喪有主矣衣服與漢人同通漢語見者不知其為苗也骨裡苗風俗習慣未詳木佬有王黎金文諸姓男子衣服與漢人同娶婦異寢生育後乃同室性

息烽縣志

卷之三十一

諸夷志 苗族

二

狡悍善陶冶孟冬祀鬼以草為龍插五色紙旗至郊祭之同姓不婚異姓不同食父母死有喪服而無衰經長子守喪四十九日面不洗濯不踰戶期滿延巫祝薦名曰放鬼乃出門長子貧不能守喪長孫及次子代之其子弟多延師教訓清代有為附學生者鴨子苗又名平伐苗男子被草衣短裙婦女衣長桶裙婚姻及享賓皆屠狗祭鬼亦用狗人死親戚亦相弔祭葬瘞以木槽性善鬪出入必執長鎗狗耳龍家男子束髮而不冠婦人辮髮螺髻上指狀若狗耳衣斑衣以五色藥珠為飾貧者以薏苡代春時立木於野謂之鬼竿男女旋躍而擇配既奔則女氏之黨以牛馬贖之方通媒妁人死以杵擊臼歌哭昇之幽巖秘而無



識八番衣服與漢人同其俗男子在家逸處婦人直項作  
髻日則耕獲暮則紡織其操作甚苦獲稻連耜儲之剗木  
作臼曰推塘每臨炊始取稻把入臼手舂之以寅午日為  
市燕會擊皮腰鼓以為樂以十月望日為歲首葬不擇地  
夜靜出之謂不忍使其親知之云今已變為漢人剪頭梳  
髻男女蓄髮寸許餘皆剪之死則積薪以焚其屍此種今  
絕蠻人男子衣草蓑婦人著花短裙喪葬殺牛歌舞以十  
月朔為大節祭鬼以丑戌日為場期情耕作喜漁獵性獷  
悍出入必帶刀弩與軍民通婚姻歲時禮節俱有華風男  
子有出外貿易者婦人力耕作種植時田歌相和清越可  
聽歲首則迎山魃逐村屯以為儻擊鼓以唱神歌所至之

息烽縣志

卷之三十一 諸夷志 苗族

三

家皆飲食之今已變為漢人矣徭人貴州原無此種雍正  
二年有自廣西遷至貴定平伐者居處無常必擇溪間近  
水者以大樹皮接續渡水至家不用桶甕以汲男女衣尚  
青長不過膝所祀之神曰槃瓠勤耕種暇則入山採藥沿  
村寨行醫有書名榜簿皆圓印篆文其義不解珍為秘藏  
俗長厚見遺不拾今已絕矣漢唐宋諸蠻之在貴陽者漢  
有夜郎唐有西趙牂柯兖州獠羅甸宋有自杞夜郎其東  
境即今羅斛今之羅甸有牂柯江廣數里出番禺城下即  
今紅水江也地多雨露俗好巫禁忌寡畜產又無桑麻故  
最貧西趙在東謝南其界東至夷子西至昆明南至西洱  
河山洞深阻莫知里數南北十八日行東西二十三日行



趙氏世為酋長故曰西趙有萬餘戶其俗無文字刻木為約巢居刀劍不離身冠熊皮若旌頭然以金絡額衣猛獸革膝行而着履牂柯渠帥姓謝氏即南謝也無城郭土熟多霖雨稻粟再熟無徭役戰乃屯聚刻木為契盜者倍三而償殺人者罰牛馬三十俗與西趙同克州與牂柯鄰勝兵二萬唐代常貢獻京師宋代謂之西南番桂海虞衡志云西南番地與牂柯接有大小張大小王龍石滕謝等姓人椎髻跣足或着木履衣青花斑布以射獵讎殺為事持木牌標鎗木弩藥箭相抄掠風俗大抵界別男夫甚剛妻女甚潔夫妻異居妻所居深藏不見人夫過其妻掛劍於門而後入或期於深山不褻穢其居否則畏鬼神禍之獠

息烽縣志

卷之三十一

諸夷志

苗族

四

蓋蠻之別種俗不辨姓氏又無名字所生男女長幼次第呼之其丈夫稱阿暮阿改婦人稱阿夷阿等之類皆其語之次第稱謂也依樹積木以居其土名曰干欄干欄大小隨其家之口數往往各推一酋帥以為主不能遠相統攝父死于繼若中國之族黨也獠王各有鼓角一雙使其子弟自吹擊之好殺害多仇怨不敢遠行性同禽獸至于忿怒父子不相避惟手有兵刃者先殺之若殺其父走避於外求得十狗以謝其母然後敢歸母得狗謝不復嫌恨若報怨相攻擊必殺而食之遞相劫掠不避親戚賣如豬狗而已亡失兒女一哭便止被賣者號哭不服逃竄避之乃將買人捕逐若亡叛獲便縛之但經被縛者即服為賤奴



隸不敢稱良矣惟執矛持盾不識弓矢用竹為簧羣聚鼓之以為音節為約布至鮮淨大狗一頭買一生口尤畏鬼所殺之人美鬚髯者必剝其面皮籠之于竹及燥號之曰鬼鼓舞祀之以求福利尚淫祀至有賣其昆季妻孥盡者乃自賣以供祀焉鑄銅為器大口寬腹名曰銅鑿既薄且輕易于熟食桂海虞衡志云獠依山而居無酋長板籍蠻之荒忽無常者也以射生為業活蟲豸能蠕動者皆取食無年甲姓名一村惟有勢力者曰郎火餘稱火歲首以土杯十二貯水隨辰位布列郎火禱馬乃集眾往觀若寅有水而卯涸則知正月雨二月旱自以不差諸番悉歲賣馬于官道其境必要取貨及鹽牛否則梗馬路官亦以鹽綵

息烽縣志

卷之三十一 諸夷志 苗族

五

和謝之其稍有稱謂上下者則入蠻類矣舊傳獠有飛頭鑿齒鼻飲白衫花面赤視之屬二十一種今右江西南一帶甚多殆百餘種唐房千里異物志云獠婦生子即出夫憊卧如乳婦不謹則病其妻乃無苦羅殿在羅斛今之羅甸桂海虞衡志云其人深目長身面而白牙以錦纏頭椎髻短褐徒跣戴笠荷墮珥刷牙金環約臂背長刀腰弩箭箠腋下佩皮篋胸至腰駢束麻索以便乘馬取馬于羣但持長繩走馬前擲馬首絡之一投必中刀長三尺甚利出自大理者尤奇性好潔數人共飲一拌中植一匕置杯水于其旁少長共已而食探匕一水抄飯一哺許搏之并令圓淨始加之匕上躍以入口蓋不欲污匕妨他人每飲酒



亦止一杯數燕始能盡蓋腰腹束于繩故也食鹽礬胡椒不食彘肉食已必刷齒故常皓然甚惡穢氣野次有糞必坎而覆之邕人每以此制其忿戾投以穢器輒躍馬驚走自祀本小蠻近羅甸桂海虞衡志云其兇猾嗜利其賣馬于橫山少拂意即拔刀向人亦嘗有所殺傷筭管亦殺數人數相當乃已

縣境有客苗鴉雀苗盤頭苗狗頭苗黑苗各種今並載之于篇今載有通志黔書載無或今載無而通志黔書載有竝漢唐宋諸苗蠻風俗皆附記焉

花苗 青苗 种苗 蔡家苗 狍狃 宋家苗 客苗 鴉雀苗 盤頭苗 紅狍狃 黑苗 狗頭苗

息烽縣志

卷之三十一 諸夷志 苗族

六

花狍狃 狍獍 黑夷 黑獠獍 土人通志貴陽府志諸苗

附識 名以供參考

白苗 山苗 狝獍 谷蘭苗 補獍苗 紫薑苗

骨裡苗 木老 鴨子苗 狗耳龍家 八番 剪頭

狍狃 蠻人 前代諸苗 夜郎 西趙 狝柯 克

州 獠 羅甸 自祀

花苗居在縣境者多高山與漢人雜處在第一區住南望山第二區住若蔞三寨瓜種第三區住南望山第五區住陳家大山第七區住花苗寨洞上第八區住大洪寨石俾各處衣用火麻績線織成或以敗布緝條織之無衿扣而納諸首男以白布帕裹頭間有用青布者近與漢人同化婦人斂馬髮



尾雜人髮為髮大如斗籠以木梳裳服先用蠟繪花于布而後染之既染去蠟則花見飾袖以錦故曰花苗跳月以孟春植冬青樹於跳場綴以野花名曰花樹男女皆艷服吹蘆笙踏歌繞樹而舞名曰跳花男女以巾帶相易謂之換帶然後通媒妁聘資視女之妍媸為盈縮女嫁數日即回母家謂之坐家生子然後歸喪則以死者衣服向屋角呼之曰復屠牛召戚友各攜酒肉以為賻環哭盡哀葬不用棺斂手足而瘞之卜地以雞卵擲之不破者為吉病不服藥惟禱于鬼宰牲磔雞往往破家終不悔悟以六月為歲首其性慤而畏法其俗陋而習勤男子力耕婦人織麻為業全縣約計一百三十八戶

息烽縣志

卷之三十一

諸夷志

苗族

七

青苗在縣境者多與漢人雜處間有居住高山者在第一區者住南望山中在第二區者住青山大窪水落洞在第三區者住南望山潘家寨新場在第五區者住陳家大山茅坡在第六區者住大岩頭在第八區者住大洪寨衣尚青男子出外或耕作多頂笠躡草履昔年出入必佩刀此風近亦無有多與漢人同化婦人以青布製衣在昔製如九華巾蒙首近僅以青布裹頭衣及腰裙掩膝娶婦以跳月與花苗同喪葬結婚俱以牛為禮謂之才禮病不服藥惟祈鬼信巫近有送子弟入校間有充鄉閭鄰長者風俗禮儀漸與漢人同化全縣合計七十戶

神苗有二種曰卡尤曰青神在縣境者惟有青神散居各區



與漢人雜處間亦有聚族而居者有班韋郁王陳李諸姓男子皆雉頭以青色布裹頭衣服與漢人同婦人亦以青布裹頭蒙髻間用紅綠絲線條花於兩端青布圓脚短衣稱曰婆羅衣內襯漂白布汗衫裳用青布長而大少女衣裳間有用藍色鑲以青布及花緣邊者多著細線草履冬時始著鞋在昔以花布蒙髻細褶長裙多至二十餘幅拖腰短衣以綵一幅若綬以十二月為歲首斂牛馬雞犬骨以米糝和之作醕至酸臭為貴稱富積者則曰貯醕幾世矣婚姻皆以苟合每歲暮春集于跳場用綵布編為小球謂之花球視所歡者擲之奔者不禁聘用牛酒以姿色定其多寡多至三五十頭喪則屠牛以大甕飲酒執牛角灌飲或至醉死主人不食肉止

息烽縣志

卷之三十一

諸夷志

苗族

八

啖雞魚蝦葬用棺以傘蓋墓上期年而焚之祭用枯魚歲首以銅鼓為歡土人或掘地得鼓即以為諸葛所遺富者不吝價值爭購之舊有畜蠱者其蠱夜飛而飲于河有金光一道謂之金蠱蠱又有蝦蟆蠱以婦人養之夜則蠱淫其婦有殺其蠱者其婦立死蠱每運財物以入家故畜蠱者多富每三歲必蠱殺一人否則反噬其主故雖至戚亦必毒之有知之者則蠱不能為害養蠱之室必潔淨無塵埃往時常斂毒藥以染箭鏃中人血濡纒立死出入必負強弩帶利刃睚眦之仇必報以椎埋伐塚為事否則聚眾劫掠禦人于途或綁掠無辜謂之拿白放黑今畜蠱劫掠之風已革漸與漢人同化風俗禮儀多改如漢人多畏法習華風有呼為苗者返唇相



詬厲姓班者謂為班超之後姓韋者謂為韓信之後惟尚淳樸有讀進中等學校者漸亦有充鄉閭鄰長者惟語音尚含土氣全縣合計三十九戶

蔡家苗本蔡國之後戰國時從莊蹻征南蠻來此有功授以土職世承繼在縣境者除養龍司而外多與漢人雜處早與漢人同化風俗禮儀完全如漢人

宋家苗本漢蜀中大姓武侯征蠻時率其部世為令于此土唐時有宋某者封資陽郡公明貴州宣慰同知即其裔也在縣境者與漢人雜處通漢語知文字男子帽而長衫婦簪而短襟將嫁男家遣人迎婦婦家則率親戚箠楚之謂之奪親婦既歸明旦進盥于姑男女燂湯以沐三日而罷喪葬飲疏

息烽縣志

卷之三十一 諸夷志 苗族

九

水二十一日封而識之若馬鬣男女勤耕織知禮畏法近多讀書清代有附學生員者改學校以來亦有高小畢業與漢人通姻婭毫無分別也

客苗在縣境者與漢人雜處在第一區住南望山第二區住打鐵沖大林口苦蕎三寨第三區住二壘岩第四區住屏山安材第五區住茅坡陳家大山第六區麻坪葛茂田大壩第七區住硯上高坡賈角山第八區住大洪寨小洪寨團坡王龍壩龍井寨碑邊各處衣用布男子與漢人無異婦人挽髻着短衣花裙婚嫁與花苗同喪葬用棺供香火以正月為歲首相傳係漢人娶苗家女而成之種族者全縣約計二百八十九戶



鴉雀苗在縣境者與漢人雜處在第一區住南望山底寨高山坪第二區上下紅馬安馬莊老鴉河第三區南望山新場第四區白家山屏山第五區江土美竹箐第六區麻坪大槽第七區小寨壩桐梓坡第八區羊黃寨營盤山衣用麻自織或藍布男子衣服與漢人同惟赤足或著草履以布裹頭女子梳長髻於額頸肩以白布披如雲肩著藍色布裙以布裹腳腿赤足著草履跳月仲夏踩草坪地男女皆著新服吹蘆笙踏歌繞場而舞名曰跳廠男女相悅交易手巾謂之換帕然後通媒妁聘資以牛酒視女之妍媸定財禮之豐嗇女嫁夫家以人迎之女家以甕迎門以酒灌迎者加以箠杵謂之打親女嫁步行母親以年相若之女數人陪往皆罩以紙傘

息烽縣志

卷之三十一 諸夷志 苗族

十

惟新婦之傘半開至夫家數日即轉謂之生家夫家數月一接接而後返如是者數次迨生子後始不再返母家喪則以死者頭向外中立以木又用死者衣帕搭之吹笙環繞以祭死者升天復屠牛以召戚黨飲醉女子環哭盡哀葬不用棺以席或木板掩死者之體而瘞之擇地仍用雞子擲地視不破者為吉病不服藥惟禱于鬼神宰牲其性狡但畏法其俗陋甚勤苦男女皆耕女子織麻縣境戶數甚少合計四十二戶漸同化為漢矣

盤頭苗在縣境者雜處漢人在第一區者住小坪壩上硬寨在第二區者住上下紅馬老鴉河在第三區者住南望山在第四區者住屏山安寨在第五區者住土地坡在第八區者



住龍家冲高坡男子衣與漢人同女子衣用敗緝條或以麻織無衿扣納諸肩束腰著花裙頭用紅索繩盤髮如盆故以盤頭苗呼之風俗習慣如花苗在縣境戶數甚少合計三十六戶男子漸與漢人同化

黑苗在縣境者與漢人雜處風俗習慣如青苗身體多污穢又以高山苗名之在縣境者戶數無多合計二十五戶男女皆勤苦常採薪運城市以換鹽買物常掛索於首以行之狗頭苗在縣境者與漢人雜處男子服漢服剃髮通漢語以十二月為歲首女子以青藍白布為短衣大袖露縫衣青裙頭梳髻狀如狗頭故名歲首時男女歡宴吹蘆笙以為樂女勤于紡織男勤于耕男女皆赤足著草履喜潔女子多鮮妍

息烽縣志

卷之三十一

諸夷志

苗族

十一

其餘風俗習尚類似种苗居縣境者戶數無多合計二十三戶男子漸與漢人同化

犵狫有花紅二種在縣境者與漢人雜處衣間以紅布者曰紅犵狫以花布者曰花犵狫各有族類不相婚姻男子盤頂椎髻女著布衣裙繫布帶死則斂以棺而不葬置岩穴間或臨大河不施蔽蓋樹木主于側曰家親殿屋宇去地數尺架以大木上覆杉葉如羊棚謂之羊樓近時此風亦漸改良葬仍如漢人矣其人强悍善奔走喜報恩得人片肉卮酒即捐軀與之今此風亦漸改革與漢人同化矣居縣境者戶數甚少合計一十二戶

犵狫苗在縣境者與漢人雜處剃頭梳辮著青短衣繫布帶



屋宇如犵狁其性悍而善走居縣境者戶數無多合計一十七戶  
犵兒苗在縣境者與漢人雜處男子梳盤頭著大領花藍衣  
近亦與漢人衣服無異盤頭亦改去婦人短衣編髻繡五色  
于袖間背負海巴如貫珠人多嗜酒好居高坡不離不垣昔  
時多佩刀弩入山逐兔鹿羅雀鳥其藥箭傷人見血立死今  
亦無此風矣住戶甚少

黑夷在縣境者與漢人雜處男子衣服與漢人同女子亦與  
漢人婦女相類惟頭梳辮盤首以長白布裹頭如鍋圈脚著  
大花鸚鵡膏鞋其性勤儉住戶甚少合計一十四戶

黑獠獠居縣境者與漢人雜處即水西宣慰種遷徙無常男

息烽縣志

卷之三十一

諸夷志

苗族

十二

子以青布纏頭籠髮其中而束其額狀若角短衣大袖繫藍  
裙近亦改著漢人服女人辮髮亦用青布纏首多戴銀梅花  
貼額耳戴大銀環垂至項拖長裙三十餘幅近漸改化與青  
苗風俗習慣不同性嗜酒男女勤耕作居縣境者甚少合計  
一十九戶